

EM2017/123  
19. oktober 2017  
Michael Rosing, Attaviitsoq

**Naalackersuinikkut sulinermut aningaasatigut tapiissuteqartarnek pillugu Inatsisartut inatsisaat.**

(Inatsisartut Siulittaasoqarfiat)

Demokratimut pingaaruteqarpoq kikkut tamarmik peqataasinnaanissaat. Tamanna Kalaallit Nunaanni isorartoorsuarmi ajornakusoortuuvoq. Tamatuma kinguneranik Nuup avataani najugaqartut ukiup ingerlanerani arlaleriarlutik uteqattaartariaqartarput. Ajoraluartumilli aamma naapertuutinnngitsumik ataatsimeeriaaseqarpugut, qaammatalunnguani sululunnartartumik. Angerlarsimaffimmiillu ungasissumiittariaqartarnek sassarusuttunut nalornilersitsisarpoq. Demokrati eqqarsaatigalugu tamanna pitsaavallaanngilaq.

Matumani siunnersuummi tamanna aaqqeriallatsiarneqarpoq pilerinarsarlugu sassarnissaq qitornaqaraanni. Aningaasartuutitaqarporli allanut atorluarneqarsinnaagaluartunik. Aamma tamatuma malunnarsitippaa allaanngitsoq Inatsisartuni ilaasortat landskarsip aningaasaataanik killeqanngitsumik imminnut atuerusuttut. Taamaakkaluarpormi ilaannikkulli nassuerutigisariaqarpoq akeqartoq kikkut tamaasa peqataatissagaanni.

Siunnersuutip immikkoortuata aappaani pineqarput soraarnerussutisiassat soraarnerussutisiaqarnermut malittarisassat allanngornerat pissutigalugu, tamannalu eqqartornerusariaqaraluarpoq. Allanguutissalli tusaatissatut tiguinnassavakka.

Taamatut oqaaseqarlunga siunnersuutip aappassaaneeraneqannginnerani Inatsisartut suleriaasiat pillugu ataatsimiititaliami suliarisassanngorlugu innersuuppara.